

## Jannata Waadaa Galamte Kafaruu fi Shirkii Dalaguun hin dhabinaa-kutaa 2.3

### Description

#### Qananii Jannataa-kutaa 3

##### Faayaa fi Uffata Warra Jannataa

Bareedinna faayaa fi uffata warra Jannataa hin gaafatin. Akkuma isaan addunyaa keessatti iimaanaa fi hojii gaggaariin of faayan Jannataa keessattis faayaa fi uffata garmalee bareedan faayamu. Jechama, â€œAl-Jazaaâ€™u min jiinsil amal (Jazaan gosa hojiitini)â€¢gedhamu hin dhageenyee? Namni addunyaa keessatti qalbii isaa qulqulleesse, keessaa fi ala isaa iimaanaa fi hojii gaggaariin faaye, Aakhiraatti keessi isaa ni qulqulleefama, gubbaan isaa ni faayama. Rabbiin subhaanahu wa taâ€™aalaa ni jedha:

٦٠ ﴿ هَلْ جَزَاءُ الْإِحْسَنِ إِلَّا الْإِحْسَنُ ﴾

â€¢**Sila mindaan toltaa tolta malee ni jiraa?**â€¢ Suuratu Ar-Rahmaan 55:60

Keessi warra Jannataa qulqulleefamu ilaachise, Rabbiin oltaâ€™aan ni jedha:

﴿ وَنَرَعْنَا مَا فِي صُدُورِهِمْ مِنْ غِلٍ إِخْوَانًا عَلَى سُرُرٍ مُتَقَبِّلِينَ ﴾  
 ﴿ لَا يَمْسُهُمْ فِيهَا نَصْبٌ وَمَا هُمْ مِنْهَا بِمُخْرَجٍ ﴾

â€¢**Jibba irraa wanta qoma isaanii keessa jiru ni baafna, [kanaafu isaan] obboleeyyan sireewan irratti walitti garagalaa taâ€™u.** Achi keessatti dadhabbiin isaan hin tuqu. Isaan achi keessaas kan baafamanii miti.â€¢ Suuratu Al-Hijr 15:47-48

[Kana jechuun qalbii isaanii keessa jibba, waanyu (hinaaffi) fi diinummaa hunda ni baafna. Jannata keessa obboleeyyan wal jaallatan taâ€™anii jiraatu. Sireewan (algaa) gurguddaa irra fuula walitti garagalchanii taaâ€™u. Jannata keessatti dadhabbiin isaan hin tuqu. Isaan abadii achi keessa jiraatu.]

Mee amma gubbarraan maal akka uwatifamanii fi faayaman haa ilaallu:

﴿إِنَّ الَّذِينَ ءَامَنُوا وَعَمِلُوا الصَّلِحَاتِ إِنَّا لَا نُضِيعُ أَجْرَ مَنْ أَحْسَنَ  
عَمَلاً﴾ أُولَئِكَ لَهُمْ جَنَّتُ عَدْنٍ تَجْرِي مِنْ تَحْتِهِمُ الْأَنْهَرُ يُحَلَّوْنَ فِيهَا  
مِنْ أَسَاوِرَ مِنْ ذَهَبٍ وَيَلْبَسُونَ ثِيَابًا خُضْرًا مِنْ سُندُسٍ وَإِسْتَبْرَقٍ  
مُتَّكِئِينَ فِيهَا عَلَى الْأَرَائِكِ نِعْمَ الشَّوَابُ وَحَسُنَتْ مُرْتَفَقًا﴾ (٢٦)

â€œDhugumatti, warri amananii fi hojii gaggaarii hojjatan, dhugumatti Nuti mindaa nama hojii bareechisee hin balleessinu. Warra san Jannata Qubsumaatu isaaniif jira; laggeen isaan jala yaaâ€™u. Achi keessatti isaan gumeewwan warqee irraa taâ€™een miidhagfamu. Uffata magariisaa hariira haphii fi furdaa irraa [hojjataman] uffatu. Ishii (Jannata) keessatti sireewwan faayaman irratti hirkatanii taaâ€™u. Mindaan waa tole! Iddoon boqonnaas waa bareedeâ€¢ (Suuratu al-Kahf 18:30-31)

Rabbiin subhaanahu wa taâ€™aalaa mindaa nama hojii bareechisee akka hin balleessinee dubbata. Garuu kana yommuu jedhu nama hojii bareechisee hunda mindaa isaa hin balleessu jechuudhaa? Lakki, dubbiin akkanaa miti. Yaada kana oofuf, jalqaba irratti namni hojii bareechisu amala akkami qabaatu akka qabu ni dubbate. â€œDhugumatti, warri amananii fi hojii gaggaarii hojjatanâ€¢â€¢ Namni hojii jalaa hin balleessine nama hundeeawan iimaanatti amane taâ€™uu qaba. Namni hundeeawan kanatti hin amanne, kufriin isaa hojii isaa gaarii hunda jalaa balleessa.

Namni erga Rabbii oltaâ€™aatti, Malaaykotatti, Kitaabban Isaatti, Ergamtoota Isaatti, Guyyaa Aakhiraatti fi qadaratti amane booda hojii isaa bareechisee, Rabbiin oltaâ€™aan mindaa isaa jalaa hin balleessu. Garuu hojii bareechisu jechuun maal jechuudhaa? **Hojii bareechisuu** jechuun **Rabbiif jedhanii hojii gaarii hojjachuu** fi yommuu hojjatan shariâ€™aa **Rabbii hordofuudha**. Fakkeenyaf, namni salaata Rabbii oltaâ€™aaf jedhe salaate fi akkaataa Nabiyyiin (SAW) itti salaatanitti sharxi fi arkaana eegun yoo salaate, inni hojii bareechise. Namni haala kanaan hojii gaarii hojjate, Rabbiin mindaa isaa akka baduu hin taasisu. Kanaafi itti aanse mindaa namoota akkanaa ni dubbate:

â€œWarra san Jannata qubsumaatu isaaniif jira.â€¢ Kana jechuun namoota amananii fi hojii gaggaarii hojjataniif Jannata yeroo hunda keessa turanii fi jiraatantu jira. Golootaa fi manneen isaanii jala laggeentu yaaâ€™a. Achi keessatti namoonni kunniin gumeewwan warqiitin faayamu. Gumeewwan faaya harka irratti godhataniidha. Uffata magariisa hariira haphii fi furdaa irraa hojjatame uffatu. Sireewwan agoobaraan haguuggamanii fi miidhagfaman irratti hirkatanii taaâ€™u [\[1\]](#)

Aayaan (keeyyattonni) armaan olii hojii gaggaarii hojjachuu fi bareechisuuf kakkaaâ€™umsa guddaa namaaf taâ€™u. Sababni isaas, namni hojii gaggaarii hojjatu hundaaf mindaa akka argatu yoo beeke, hojii gaarii hojjachuu irratti ni jabaata. Mindaan isaaf kennamu gaarii akka taâ€™e yoo beeke immoo hojii hojjatu caalatti bareechisuuf carraaqa. Dhugumatti, Jannani mindaa hunda caalaa gaarii taatedha.

Rabbiin subhaanahu wa taâ€™aalaa ni jedha:

وَعَدَ اللَّهُ الْمُؤْمِنِينَ وَالْمُؤْمِنَاتِ جَنَّتٍ تَجْرِي مِنْ تَحْنِهَا  
الْأَنَهَرُ خَلِيلِينَ فِيهَا وَمَسَكِنَ طَيِّبَةً فِي جَنَّتٍ عَدْنٍ  
وَرِضْوَانٌ مِّنْ أَكْبَرِ ذَلِكَ هُوَ الْفَوْزُ الْعَظِيمُ

﴿٧٢﴾

â€œRabbiin muâ€™mintoota dhiiraatii fi dubartootaf Jannata laggeen jala yaaâ€™an, achi keessatti kan hafan taâ€™anii fi manneen ginggaarii Jannataa qubsumaa keessa jiran waadaa galeefi jira. Jaalalli Rabbiin irraa taâ€™e kana hundarra caala. Suni milkaaâ€™inna guddaadha.â€ (Suuratu At-Tawbaa 9:72)

### Jannata keessatti qananiin hundarra guddaan maal akka taâ€™e beektuu?

Mee itti yaadaa! Nyaataa dhugaatin, manneen, firaashni, minxaafin, uffanni, faayni fi qananiin lakkaawame hin dhumne Jannata keessa ciisa. Kunniin wantoota Rabbiin subhaanahu wa taâ€™aalaa uumeda. Mee itti yaadaa! Uumama addaa takkuu hin argine, garmalee kan bareedu fi nama dinqiisisuu yeroo jalqabaatiif yommuu argitan hangam gammadduu? Dhugumatti garmalee gammaddu. Jannani uumama takkuu hin argine garmalee tan nama dinqiisiistudha. Garuu Khaaliqa Jannata tana, samii fi dachii uume osoo ijaan argitanii hangam isin gammachiisaa? Khaaliqa tokkicha fakkaataa hin qabne, amalooni Isaa gara hundaan guutuu hanqinna hin qabne osoo ilaaltanii gammachuu akkamiitu isintti dhagahamaa? Rabbii oltaâ€™aa si uumee fi si kunuunsu ilaaluun hangam si gammachiisaa?

Dhugumatti, qanani fi gammachuun hunda caalaan Jannata keessatti argatan Rabbii oltaâ€™aa ilaaludha. Warri Jannataa yommuu Rabbii oltaâ€™aa argan, qanani biroo ni dagatu. Rabbiin subhaanahu wa taâ€™aalaa ni jedha:

﴿٦٣﴾ ﴿وُجُوهٌ يَوْمَئِذٍ نَّاضِرَةٌ إِلَىٰ رَبِّهَا نَاطِرَةٌ﴾

â€œFuulli [gariin] Guyyaa san ni ifu. Gara Goftaa isaanii ilaalu.â€ Suuratu Al-Qiyaamah 75:22-23

Ergamaan Rabbii (SAW) akkana jedhan: â€œYommuu warri Jannataa Jannata seenan, Rabbiin tabaarakaa wa taâ€™aalaa ni jedha: Isiniif dabalaa waa ni barbaaddu?â€ Isaanis ni jedhu, â€œFuula keenya hin ibsinee? Ibidda irraa nu baraaron Jannata nu hin seensifnee?â€, Ergasii Rabbiin haguuggi Isaa ni saaqa (ni kaasa). Gara Goftaa isaanii ilaalu caalaa wanti isaan biratti jaallatamaa taâ€™e hin jiru.â€ Itti aanse aaya tana ni qaraâ€™e:

لِلَّذِينَ أَحْسَنُوا الْحُسْنَىٰ وَزِيَادَةً وَلَا يَرْهَقُ وُجُوهَهُمْ قَرْوَلَادِلَةٌ



أُولَئِكَ أَصْحَابُ الْجَنَّةِ هُمْ فِيهَا خَلِدُونَ

â€œIsaan toltuu hojjataniif [mindaa] gaarii fi dabalataatu jira. Gurraachinnii fi salphinni homaatu fuula isaanii hin haguugu. Isaan sun warra Jannataati. Isaan ishee keessatti hafoodha.â€ (Suuratu Yuunus 10:26) [Sahih Muslim 181](#), [Jaamiâ€™TMu At-Tirmizii 3388](#)

Imaamu ibn Al-Qayyim ni jedha: Addunyaan Rabbiin beekuu fi Isa jaallachuun malee gaarii hin taatu, Jannanis Isa ilaalun malee gaarii hin taatu. â€ Madaariju Saalikiin 976 (Ar-Risaalah Publisher) Dhugumatti, akkuma addunyaa keessatti qananii fi gammachuun hunda caalu Rabbiin beeku fi Isa jaallachu taâ€™TMe, Jannata keessattis qananii fi gammachuun hunda caalu Isa ilaaludha.

[\[1\]](#) Tafsiir Muyassar-297, Tafsiir Saâ€™TMdii- 553

**Date Created**

July 8, 2020

**Author**

admin